



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0024319 23
Sarajevo, 18.04.2024. godine

SUD BOSNE I HERCEGOVINE
- Sudiji za prethodno saslušanje –
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

О П Т У Ж Н И Ц У

PROTIV:

ARMINA BUREIĆA, [REDACTED] rođenog [REDACTED] 2003. godine
u Zenici, [REDACTED]
[REDACTED] državljana BiH,

Što je:

Dana 20.07.2023.godine, u poslijepodnevnom satima, na teritoriji Bosne i Hercegovine, svjestan da prevozi krijumčarena lica u BiH, i da time omogućava boravak tih lica na području BiH, a znajući da ne ispunjavaju uslove za zakoniti boravak na području BiH, protivno članu 6. Protokola protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog i organizovanog kriminala („Sl. glasnik BiH“, broj: 37/02), u namjeri sticanja protivpravne imovinske koristi sa njemu poznatim licem dogovorio da preveze ukupno četiri strana državljana, koji su prokrijumčareni sa područja Republike Crne Gore u BiH, te se dovezao na teritoriju općine Čajniče, gdje je primio krijumčarena lica u putničko motorno vozilo, marke „opel astra“, registarskih oznaka [REDACTED] i to ukupno četiri strana državljana, krijumčarena lica i to jednog državljana Pakistana [REDACTED] i tri državljana Bangladeša [REDACTED]

██████████ koji su u namjeri da se prebace u Sarajevo dogovorili sa njima poznatim licem da im organizuje ilegalno putovanje, za određeni novčani iznos, i koji su prešli nezakonito državnu granicu između Republike Crne Gore i Bosne i Hercegovine preko šume u grupi koja je imala vodiča i koji ih je pješke preveo preko granice, van graničnih mjesta otvorenih za međunarodni promet, uz pomoć nepoznate osobe krijumčara, što je protivno članu 7. stav 2. Zakona o graničnoj kontroli („Sl. glasnik BiH“, broj: 53/09, 54/10 i 47/14) i koji nisu posjedovali važeća dokumenta, putnu ispravu i vizu ili odobrenje za boravak, odnosno lica koja ne ispunjavaju uslove za zakonit ulazak preko državne granice u BiH, i koja ne ispunjavaju uslove za zakonit boravak na području BiH, što je propisano članom 8. stav 1. Zakona o strancima („Sl. glasnik BiH“, broj: 88/15), te kad su došli na teritoriju BiH u mjesto Luke, općina Čajniče, iako je Arminu Bureiću bilo poznato da se radi o krijumčarenim licima, po prethodnom dogovoru sa njemu poznatim licem primio ih i povezao u putničkom motornom vozilu marke „opel astra“, registarskih oznaka ██████████, da bi dana 20.07.2023. godine u 17:10 časova u mjestu Prača, općina Pale, F BiH, isti bio zaustavljen prilikom redovne saobraćajne kontrole od strane policijskih službenika PS Prača, čime je spriječen u krijumčarenju lica i to četiri ilegalna migranata sa namjerom prebacivanja u Sarajevo za novčanu naknadu.

Dakle, prevezio krijumčarena lica u Bosni i Hercegovini, omogućivši na taj način boravak krijumčarenim licima u BiH,

Čime je, počinio krivično djelo „Krijumčarenja ljudi“ iz člana 189.stav (2) KZ BiH.

TUŽILAC
TUŽILAŠTVA-TUŽITELJSTVA BiH